

## DW 4 PENGURUSAN DESTINASI YANG EFISIEN

Cadangan inisiatif pengurusan destinasi yang efisien melibatkan dua (2) tindakan strategik bagi mencapai perancangan Desa Wawasan. Perincian tindakan dan program adalah sebagaimana berikut:

### DW 4.1: Menubuhkan Unit Pelancongan di JPKK Terpilih

#### CADANGAN TINDAKAN DAN PROGRAM

##### Justifikasi Cadangan:

Penubuhan Unit Pelancongan Desa di setiap JPKK adalah penting dalam menggiatkan aktiviti pengusaha-pengusaha pelancongan tempatan serta menjadi pusat pangkalan data utama dalam mendapatkan maklumat terkini perkembangan perniagaan penduduk tempatan yang boleh dimajukan sebagai produk pelancongan. Malah, latihan pementapan dan *upskilling* sangat diperlukan bagi meningkatkan kebolehpasaran produk tempatan sebagai produk pelancongan.

##### Komponen Cadangan:

- Mencadangkan penubuhan satu (1) unit jawatankuasa khas atau entity organisasi di bawah pentadbiran JPKK yang berperanan untuk membuat keputusan, perunding cara, dan pengelola sebarang bentuk pembangunan, pemasaran, pengurusan dan penyeliaan produk.
- Memastikan kerjasama pintar antara pengusaha pelancongan, JPKK, agensi kerajaan, sektor swasta, Pelabur, dan komuniti tempatan.

##### Kaedah Pelaksanaan:

Penubuhan Unit Pelancongan Desa di setiap JPKK.

#### CADANGAN LOKASI

Cadangan ini melibatkan **23 kampung** yang mempunyai program Homestay.

Daerah	Kampung Dalam Bandar	Kampung Dalam Desa
Johor Bahru	6	-
Kulai	2	-
Kota Tinggi	4	2
Pontian	7	2
<b>Jumlah</b>	<b>19</b>	<b>4</b>

#### AGENSI PELAKSANA


Pemula	Pelaksana
• BPEN Johor	• JPKK
• KPLB	• Pelabur produk pelancongan
• PBT	• Operator produk pelancongan

#### ANGGARAN KOS


- Peruntukan Penyediaan Ruang Unit Pelancongan = RM 450,000 per daerah.
- Peruntukan penyelenggaraan Bangunan/ Peralatan = RM 350,000 per daerah.
- Kos Bengkel = RM 20,000 per kampung
- Kos Ruang Kerja/ Peralatan = RM 15,000 per kampung.
- Kos Papan Tanda Arah/ Informasi RM 10,000 per kampung.
- Kos Program Pelancongan = RM 25,000 per kampung

**Jumlah Keseluruhan Kos: RM 4,810,000**

#### FASA PELAKSANAAN



Rajah 4.37: Cadangan Fungsi, Peranan dan Program Unit Pelancongan JPKK



Sumber: Kajian PHS Desa Negeri Johor (Fasa 1: Johor Selatan), 2019